


LCM 250.99
38
部三三

奉新縣志

同治十一年重修

第五冊

卷五	建置志二
津梁附路	水利
卷六	
食貨志	
戶口	田賦
恩資	漕運
倉廩	蠲賑



奉新縣志卷五

建置志二

津梁附路

水利

津梁

通化橋在縣西五十步宋元祐八年縣令廖擇叔元乙酉

黎伯明募緣架屋覆之毀於元季明洪武庚午擇之孫賢

叔捐貲重建永樂戊子擇九世孫野航修葺吳彥宏記天

順二年擇十一世孫子美再鼎建成化五年燬於火擇十

二世孫大耕重新建之嘉靖己未復毀擇十五世孫本畿

重新修葺覆石列肆通市

國朝乾隆乙酉監生廖澗重修嘉慶乙亥廖氏裔又建遺愛

奉新縣志

卷五

建置二

津梁

亭於上咸豐五年燬支裔重修

吳彥宏通化橋記南昌之屬邑惟新吳為最馮川敵

其陽其地有高山峻嶺嘉樹美箭環列乎左右邑之西數

十步有溪焉上有橋曰通化橋也橋上有亭商賈咸集奇

葩異果南金珠璣魚鹽屠販紛然雜出乎其間日中為市

以濟上下之民以達百里之道以通一邑之化也故曰通

化橋予時署茲邑事而往過問之曰是橋也由宋元祐間

有姓廖氏名擇字從善者衡州南岳人也授左宣德郎領

茲邑令居職三年考最復任每公餘往來於溪之濱見民

有徒涉之患故意有所適乃曰是可橋也遂捐已俸備石

梁創而新之元祐八年橋成以屋覆其上秩滿將去民懷

其惠願挽留而不可得令遂命其幼子於橋之西津南畔

家焉於是里邑之士咸悅而稱之為宣德小三郎顯白當

世光照於今厥後橋宇累因兵燹化為灰燼其八世孫有

字賢叔者迺於洪武庚午之歲命長嗣鵬用捐金傭匠橋

字一新永樂戊子時又風雨損焉九世孫野航翁復命十

世孫永齡永孚復葺而新之美哉輪奐是可記也噫斯橋

也微宣德不能成斯橋利濟之盛微斯橋又豈能著宣德

政績之嘉哉今其子孫又能以宣德之心為心而繼美成

事於悠久吾知其惠澤之及於人者深矣則廖氏之子孫

又豈有不昌大者哉故述此以爲記 林醇咏通化橋詩
鞭石爲梁濟不通連蕞疊棟若浮空雲開小澗懸飛竦日
落層波引臥龍塵世幾更新歲月橋名不改舊家風知君
此惠垂千古陋彼乘輿載涉功

天津橋在縣西北宣化坊舊名鎮城橋明宣德十年知縣
璩鎮海建俗呼爲上市橋今廢

南津橋舊名安固宋胡用之創楊億記元王文炳重修易
名惠政吳澄記後毀明移學宮謂橋不宜出學右遂於洲

下改建馮川橋

國朝乾隆十一年邑人倡募於故處修復架木爲梁今呼爲

上橋 楊億南津橋記昔鄭子產以乘輿濟人不知爲梁之
利薛廣德以樓船涉水不若從橋之安孟子稱其仁

班固紀其直是知橋梁之利以濟不通由來舊矣豫章郡
三吳之都曾奉新縣五嶺之要衝長江瀕洞以東流橫橋

奉新縣志

卷五

建置二 津梁

二

透迤而南渡先是邑人胡氏出家財而營創太平興國中
山源漲出長風架浪巨石磅礚以相推大木軒昂而雜下
所值者立爲齏粉所赴者蕩然藩籬兩岸之間不辨牛馬
一邑之人將化魚鼈斯橋飄蕩無遺餘焉自是邑人以艇
數艘用濟行李結駟挂轄殆無虛日鳴榔鼓柁疲於奔命
伍胥旣爲之解劍陳平亦佐其刺船羈遊者攬轡躊躇負
販者臨川歎息亭長艤舟而不渡樵人取箭以空回往來
患之非一朝矣然而工築至大用度實繁縣吏不敢賦於
人居民不肯一其力胡氏慨然奮發將續嗣於前勞乃經
營於不日以時斬木必取榿楠之良捐金構匠聿求班輸
之巧積百車於斷岸礮一卷於他山前施撲斲之功預求
締構之用及窮冬之水涸未踰月而橋成煥乎維新恍若
靈化制度之宏壯已數倍於曩時基局之固護必可致於
悠久疇昔之興工僅彌年而事集今茲之經營未改火而
役收致茲神速出於神明又何必廣袤倍於尋常蔓延幾
於百步蜿蜒平視若牽牛之渡河天矯亭驤若黑龍之飲
涓足使行李似安於枕席王命不壅於置郵臨九江不待
駕以鼉鼉期七夕不待填以烏鵲招招舟子悉扣舷鼓權
之歌憧憧行人絕濡軌褰裳之患計工稱大其博施濟眾
之謂乎昔齊人延年願壅水以注匈奴惜其志大而無用

奉新縣志

卷五

建置二 津梁

三

始平人宗士美親負米以委太倉嗟其惠小而不孚胡氏
 代被聖化從容素域腴田力穡鄉里息其茂之爭方領高
 冠子弟成鄒魯之俗歲若小歉則為淖糜以活人官或仰
 屋則出紅粟以助國江左高義天子知名乃杜緩之出邑
 金資討西羌卜式之輸家財助平南越蓋其比也又豈滔
 滔鷁浪非一輩之可航峩峩虹梁有千金之浩費括囊揭
 產之不顧善利既濟之為心者哉胡氏義君數世以上以
 孝懿著聞詔有司旌表其門閭俾本郡給復其徭役授其
 家老仲堯州助教以寵之又改國子監主簿致仕其弟仲
 容以兄命詣闕賀壽特授祕書郎後遷光祿寺丞晏公稱
 其折券絕飲羊之欺望廬消得鹿之訟愛人利物趨若嗜
 欲至若縣學佛寺道觀皆其所創南津石梁固其利濟之
 本心也於是乎記 吳澄安固橋記新吳豫章郡之屬邑
 也有水橫貫於邑之中曰馮水馮水之源出百丈山行百
 有餘里及邑之西其流分而為二經流在北遶邑治之南
 而東支流在南徑南市之北至邑之東而與經流合二流
 各有橋梁以渡水勢慄悍橋不能支屢修屢壞南橋之衰
 踰二百尺而北橋之衰殆七十尋故其壞尤數其修尤難
 宋初邑大家胡氏架木為梁太平興國中胡之家有國子
 簿仲堯嗣新之其弟祕書省校書仲容請於楊文公億為
 之記名其橋曰安固於後改作浮梁而易其名曰安濟瀆
 祐間浮梁敝進城鄉羅鑑暨奉新鄉王珣率諸大家合力
 結為墩至慶元末石墩亦敝邑之令佐用民力豎木為柱
 置板於上而易其名曰行教財力一皆取於民九皋王德
 全珣之元孫也輕財重義克蹈祖武視役戶歲遭督責之
 苦役夫時被鞭箠之虐惻然興憐遂以修橋為已任大德
 戊戌捐貲造新橋五十餘丈不藉勢於官不假力於眾明
 年春為水所壞則造二舟以濟至冬復完其橋自後輒壞
 輒修不以其事諉官府買進城鄉杉林數百畝長養其材
 為久遠計乙巳相視水勢平緩之處於橋之上流二十步
 兩崖疊石重構新橋廣袤一仍其舊其將終也遺命屬其
 子文炳兄弟勿墮前勞以田租六百石及進城杉林專備
 修橋之用延祐甲寅橋又壞文炳兄弟又造二舟以濟至
 冬又成新橋其南橋舊名惠政大德以後修理一出王氏
 之力至是南流漸微乃用七千餘力運土石實築悍道壅
 水北流南橋既廢得以萃其工力於一橋而移彼惠政匾
 易此行教名邑人咸喜求予文記其事予謂古以除治橋
 梁為官政而今亦然但官無可用之財而惟民是資則惠
 未及民而厲先及之矣王氏以一家獨任其功俾官不勞
 心而得惠政之名民不勞力而蒙惠政之實可謂賢矣且

人之好助修橋者固有之然能同於眾鮮能成於獨也能為於暫鮮能歷於久也竊聞大德以逮於今橋之廢而復修者五每一興役用木不翅千株用工不翅千人而用財計楮幣鉅萬其間水所摧殘或比年一修或半年一修其費又在此之外方將世世繼述而無倦嗚呼其孰能有此用心者哉德全字義南生平好施調郵鄉隣之士不一賑饑賤糶該受賞典則以老辭將官其子則仲子文炳叔子文謨俱讓而以俾季子文傑仁讓之德如此王氏之昌其未替乎昔也胡氏種德而二子竝膺朝職子若孫登進士科者八九王氏之種德如胡氏天將不以報胡氏者而報之乎王氏子孫其益思所以善繼善述哉

馮川橋在縣南門外去舊南津橋二百步許為一邑要路元末南津橋毀官為置渡以濟明宏治十七年七月邑人徐金捐銀一千二百餘兩伐石鑿砌為梁四十六道長五十六丈五尺高六尺五寸濶三尺正德元年九月橋成郡

奉新縣志

卷五

建置二 津梁

四

守祝瀚嘉其義匾曰義濟橋嘉靖初梁圯族子道濟復捐百金重修知縣來汝賢易名紹義汝賢記隆慶間洪水衝沒知縣陳雋修理萬曆二十一年復圯知縣馮燧倡邑理問胡士琇捐貲復建燧自記易名馮川橋

國朝康熙四十八年再圯邑庠彭良京捐銀五百餘兩修砌知縣莊清度記并榜曰利涉迴瀾厥後修廢不一雍正十一年夏水衝圯知縣趙知希倡修乾隆四年良京孫同知彭涵捐銀四千六百七十餘兩伐石鼎建每墩高一丈長一丈九尺濶九尺共二十七墩較前益為宏固巡撫陳宏

謀記

李恕義濟橋記馮川自南津橋廢官為之立渡舟往來易壞民又自為私渡舟子多頑悖乘時射利每春

奉新縣志

卷五

建置二 津梁

五

夏間洪水泛溢奔走爭舟者不無傾覆跳躡之患時將寒
 返雖架竹木為橋民終不免徒涉之病甚至官府經臨是
 邑亦且停車問津前後主是邑者欲用心於此奈公帑無
 羨餘民力多苦艱遷延至今有由也是歲義民徐金目擊
 心摧不待上命慨然發財鳩工琢石以造之具事顛末上
 之郡侯祝公深嘉其俠義輕財濟人利涉因命匾其名曰
 義濟於宏治甲子七月起工迄於正德丙寅九月落成為
 梁四十六道其長五十六丈五尺高六尺五寸濶三尺大
 畧用工二萬有奇銀一千餘兩穎上王公翊率僚屬贊府
 吳公祐判簿薛公整分教趙公瑄與邑之士夫鄧九思鄧
 希禹庠生甘霖輩往勞之稅司蒯必鑿亦與焉僉歎曰義
 哉縣侯曰難哉何也古無而今有難也以一人而任其事
 尤甚乎其難也余觀近世以來橋之功利之大者多為浮
 屠氏所有蓋浮屠氏非能出已財者以眾力為之資矣眾
 人溺於其說以施舍為心故浮屠之成之易而資之者不
 自知其成浮屠之名也今徐君此舉令往來者舍舟而徒
 以免傾覆沈淪之患雖鄰境旁邑亦皆美其用心之仁輕
 財之義為千萬年行道者之計也其視溺於浮屠氏者賢
 否又何如哉徐君諱金字若重號拙軒乃逸民與正之孫
 壽相學耕之仲子永樂辛卯舉人應奇之姪也其子曰淵

日泮其孫曰植曰國華曰杰皆能克世其家者也因書以
 記之馮燧馮川橋碑記奉新巖邑也而為江西省西要
 路凡兩畿三輔荆襄宛洛之車騎兵符一道九江其貴人
 欲避省會之繾綣而細人懼驛傳之譏伺者類由建昌闌
 入安義而其自九瀕百粵虔南閩中來者至蕭灘賣舟遵
 陸遂舍富州趨瑞州而奉新實介其間稱孔道馮川實介
 奉新稱要津矣則馮川之不可無橋也為行人也馮川古
 邑也楚霸王宰割鴻溝徙吳中豪東馮氏於海昏得名而
 其以水源於百丈大雄匯橫石陰村越山熊嶺浮雲華林
 諸山水而經流於故縣磐山北環帶於今治獅山南東至
 洪田後合同安之黃沙至義興合從善之乾洲以赴九江
 而入海今磐山東為馮塘而獅山下有馮井縣之東南門
 與東岡皆為馮田名則皆馮川遺也川之有橋始宋景德
 間邑監簿胡仲堯寺丞仲容氏則楊文公億南津橋記可
 讀也在蛾眉洲上為儒學下沙及以惠安寺基改學而橋
 出學右義既無當橋亦就圯至今宏治間邑人徐金改建
 洲下則縣與學皆出橋右矣幸鎖水口苦逼洲身而洲沙
 日長兩流夾射水復穿心橋又善圯且萬竈屯城而橋之
 所不與者半稍東直馮田門無論趨東門北上更捷而水
 恬沙抱包孕更廣以有造於民風士氣者則橋之不可不

改建於馮田門也為邑人也馮子初下車則念之顧事體
重大未敢輕議念仲容氏裔孫士琇以盜訟聽理則願捐
應得贓百金以勸馮子雅重其意為聞上人然舍此尚須
數百金比三年政成歲豐民安其拙則有匠石汪蘇菊從
開化來願任其役馮子曰誰復任任役者縣帑可百金耳
即竭縣官心力自備椿鐵費復百金已矣為任緣事者
縣官素厭惡不能也乃胡生聞斯言而慨然繩厥祖武復
捐千餘金成之自是邑人聞而樂助若廖興幹者尙有其
人胡生謝不煩也於是役不及眾工遂告成橋凡三十六
洞址視舊高疊石六面視舊增梁石二中十洞是舊皆一
當兩以納衝湍而北五洞深之得石底遂舍椿復加三疊
石見者噴噴稱歎縣龍真沙當由結脈橋適會之安所得
慧眼力者橋其永無散而縣亦無疆惟休矣故事橋成宜
有題邑薦紳太宰蔡大宗師聞而貽書曰昔堤有姓蘇者
恐此橋未宜無姓也甘君竹岡曰河清可俟橋地誰完僕
閱宰官多矣口類念之心實置之不有馮侯孰留此恩則
請題曰馮恩弟子員徐生時中曰父師建橋豈徒利涉橋
在縣學實丁異隅蒼龍矯首玉帶垂腰從此邑踵芳躅而
聚會狀猶撥之也則請題曰三元孝廉廖君和卿曰馮川
之縣自漢始馮川之橋自宋始而求馮川主人如上郡大

奉新縣志

卷五

建置二 津梁

六

小馮君者累世不得一焉自賢侯涖止諸所建置釐草實
舉馮川再造之侯豈其東馮氏耶抑馮上郡耶胡烈之驟
而澤之深也吾輩不能以題邑橋則請題於邑橋之主人
馮子曰此邑士民之願子大夫之志也而胡生之義也我
之為郵客時得代去矣安所取主人而題之為後人易地
者吾直以馮川縣之橋還之於其縣於其橋已矣於是諸
薦紳孝廉博士弟子員合辭曰蘇公歸雨功於太空而亭
遂以喜雨名馮侯還橋名於馮川而橋當以馮川定所謂
逃名而名隨既以為人已愈有者也請遂書為馮川橋記
陳宏謀修馮川石橋記今

上御極閣念天下行旅艱難
詔所在橋梁道路宜修置者發帑治之有樂善捐建者視其所
費大吏奏請從優議敘歲辛酉余撫江右遵奉
諭旨於會城南創立浮橋以濟民咸稱便因飭屬邑修缺補廢

聖天子德意適奉令張天謨來謁詢該地津要狀令曰邑南馮

川橋京廣要津也昔當春夏暴漲浩蕩掀翻水與梁平泛
梗糾蒲挾梁以去水石相碎墩亦星落病涉者屢矣在籍
搢紳士候選同知彭涵者偕弟貢生浩呈請專以石成之
前令聞於大吏報可遂鳩工礮石經始於乾隆四年八月

念九日落成於五年三月六日計時閱八月約費銀幾千兩蜿蜒蟠亘垂虹列雁履之者若坦途然咸嘖嘖彭子之功不衰余曰嘻是舉也以一人而利萬眾可不表以風世哉今日茲橋也是非始於彭子兄弟也彭子之祖良京曾修之捐金五百有奇父昂祚又思繼修之而促於年未竟其事今若但承乃祖乃父之志耳表以風世若不欲專其美也余曰然則彭子更不可及矣夫不煩內帑義也克承先志孝也使人不病涉仁也能孝而仁義備可多得乎乃為咨於制府會題得蒙

溫旨

優敘庶彭子自此傳而彭子之祖父亦與俱傳使西江人士觀感興起俱各破吝疏財勉於為善豈不休哉余故樂為之記令壽諸貞珉又以知彭子他日居官即是心而廣之則凡裨國計而益民生者可於斯而覘其概也

嘉慶二年奉新鄉陳維昱妻翟氏捐同安鄉段壠田租入石贍上下兩橋又橋局新置產業店共十七間租一石七斗一升空地一塊原遺田租共二十四石九斗一升山地

奉新縣志

卷五

橋局源委

津梁

七

一片又方譜裔捐平桶租三石五斗鄒人鎧捐平桶租十二石洪心傳捐租一石余元相捐租四石均係橋局首事廖為鐸等經管嗣因連年冲塌入不敷出虧短錢數百千封職鄧鶴齡州同廖彩雲兩人分捐歸款道光十七年夏漲損壞知縣王嘉麟撥公項錢二百千修葺咸豐六年上下兩橋梁板均毀於寇計工程較大橋會僅存息錢百餘千九年知縣周成民捐銀五十兩為倡眾紳士勸捐錢肆百伍十餘千上下橋俱于是年修補完善成民為之記十年從善鄉職民余肇海余啟新監生余文祥遵父命捐送本鄉荒坑壠等處平桶租二十石同治三年知縣保齡撥

公項錢三百千五年知縣劉士清捐俸錢一百千均為比
年修補之用七年經首事逐一清查前後捐送各處田租
一百二十八石有奇立有租摺其舊舖房原係十七間因
累年改創兩遭兵燹茲據現在基址一概查明上橋南靠
河坐北向南舖地四間上連賴勉齋支舖界下連建賢集
舖界又坐南向北舖地一間上連建賢集舖界下連廖姓
舖界又下橋南舖地一間舖後立有界石又靠橋邊下首
舖地一塊內創厠屋一間又坐北向南店房一間又南門
外河街馮公生祠前舖地一間又靠河舖地一塊與余姓
連界又坐北向南舖地二塊上連鄧姓地界下至巷路為

奉新縣志

卷五

橋局原委
建置二

津梁

八

界又南門外坐河舖地一片可朔店房十間係官地又西

門內考棚前坐南向北店房一間邑侯周成民重修馮川

迢迢天上猶傳鵲架玉泉混混禁中尙見虹垂矧城俯長

溪宜永錫千秋之號且地當孔道自遙通萬里之情故月

紀成梁自古常昭甲令而心存濟世於今共矢寅恭也維

茲奉邑西南門外舊有石橋二焉歷百有年亘千餘尺土

民日集商賈雲騰或負重而乘車或駕輕而策馬綠楊新

月或載酒而吟詩朱雀斜曛更臨流而弔古是故風帆沙

鳥皆堪肆志以徜徉亦即人跡霜華莫不關心於羈旅者

矣孰意陵谷遷移滄桑變幻砂飛石走軸覆樞翻精衛有

心難填恨海女媧無術未補情天幾同縱火燒兵重遊赤

壁漫說中流砥柱獨挽狂瀾一水之盈盈誰人擲杖盼

七星之落落何處吹簫倘亦自我西郊索然情盡送君南

浦黯然魂銷者耶於是招延寮案召募紳看樂助隨緣眾

擎易舉既昇仙之有路豈鞭石之無方蕩蕩平平猶是三

干世界綿綿翼翼依然廿四規模斯時駟馬高車不妨重

過他日金鰲玉螭自可聯升云爾

登仙橋在縣河南市登仙坊相傳劉道成於此上昇故名
楊公橋在登仙橋之南宋縣令楊萬里剏故名嘉慶十七
年里人重修

澄心橋在楊公橋之南邑人王景彞修嘉慶十六年景彞
裔孫永祚重修

馮田橋在縣東二里岐山下明正德十五年知縣梁幹率
邑民吳德清等剏建嘉靖十五年知縣胡億修

國朝同治七年知縣呂懋先捐廉及生員吳中典等募錢千
數百緡修葺

通濟橋在縣治北門外明正統九年邑人周節文建俗呼
奉新縣志

為中市橋

國朝乾隆四十八年舉人趙剛等重修邑令剛柱記咸豐十

年廩生趙璧完等募修周文盛通濟橋記通濟橋在邑治東

橫跨兩岸上度以板以通行者然地當靖安甯武三邑之

衝自辰逮酉負販者紛紜徒步者絡繹憧憧往來相屬於

道矧達官貴人駕星輶而馳日驛將使指而樹旌旄者間

又出此以達彼焉懋歲滋久雖或修治而木與板易朽尋

復蠹壞莫支恆有傾覆之患人甚病之里之巨姓周節文

甫遂慨然歎曰橋梁所以濟不通而利病涉者此橋實當

孔道又非窮鄉下邑之比吾坐視其廢可乎於是召匠募

工而籌其所費迺伐石於山貨灰於筠舟舉而輦致之至

於累石為址藝為三洞洞各廣一丈二尺修十丈一尺兩

崖實以灰爰築爰整堅緻完固莫窺罅隙坦然由之無復

向時之虞矣計用攻石之工若干傭人之工若干食工匠

暨百役之為米若干石始事於正統九年十月甲子迄工

於明年二月庚申凡五閱月始告成時知縣事四明袁侯

章率僚吏暨一邑搢紳之士各舉酒於橋以觴之且勞之

奉新縣志

卷五

建置二 津梁

十

曰古者辰角見雨畢而除道天根見水涸而成梁橋梁道
 路之修除有司之常事耳今子一韋布之士非有長民者
 之責乃能縮其衣食之餘以助有司之不及是嘉也吾
 當播子之名於詞林以承子之功於不朽乃以予曩嘗司
 教是邑爰走書具實俾記其成余義不容辭因意往歲休
 沐之暇其於斯橋經歷者屢未嘗不以圯陷為懼恆倡有
 司修之於時供億之殷徵召之煩有未遑也今節文一旦
 毅然以一家之力而施利物之功袁侯乃能不沒其善俾
 來而徵記於余是亦長人者與人為善而寓風厲之意也
 是皆可書誠使一邑之人皆能如甫之用心將見義無不
 舉事無不成而齊魯之俗可臻也甫為邑之善士篤於行
 誼橋之役蓋其一也有子五人曰常貞常順常敬常吉常
 濟諸孫十有三人曰岐曰儀曰對曰嵩餘未名而儀為諸
 生從子遊最久種學績文顯著英譽為善之徵於斯橋矣
 故姑記其梗概如右俾歸而刻諸石焉 邑令剛柱重修
 通濟橋記余奉新之明年城北趙氏有曰剛曰緯曰麟
 圖曰芳椿曰士暄曰真祚者來告余曰北門通濟橋某等
 之祖趙節文所建也事載縣志今歲八石且泐矣願以祭
 產贏餘重修之敢以告余亟稱羨而德惠之退復稽諸邑
 乘乃知舊為板橋歲常傾圯邑義民趙節文於前明正統
 間始易以石當時邑令四明袁公彰為之遠徵記於浙西
 周公文盛記言石橋凡三洞今惟二洞則改築城垣時跨
 其一洞於城下也記又言洞各寬一丈二尺修十丈一尺
 度義民當日之費蓋千金不啻矣所以稱為義民者誌載
 景泰辛未歲大饑邑民趙節文出穀一千石助賑事聞特
 勅為義民夫凶年之穀數至千石以上蓋又千金不啻矣
 於戲千金義舉至於數見義民真樂善不倦者哉未幾橋
 成紳復邀余詣觀見擴二洞為一洞則以形家言洞數不
 宜偶也計其所費又不啻百金焉余因告諸紳曰君等能
 不以後人而愧於前人余獨可以今令而愧於古今乎然
 袁之徵記於周猶謂事以文傳也余則謂文以事傳也余
 不可以不文而不為之記夫萬金之家視千金猶中之
 產之視千金也而因義而費之未必即貧而常人之吝之
 子孫不轉瞬而蕩然者比比矣節文甫獨能不虞空乏數
 興千金之義舉乃歷十餘世而其後裔猶能修復其先緒
 即此以彰善人之有後矣矧其子姓蕃衍舉以文章道義
 相砥礪天之所以昌善人之後者殆方興而未已耶此余
 樂為之記之本意也至於跨隍為橋不問而知為孔道矣
 往來利賴前記已悉茲不復贅云乾隆癸卯孟秋月吉旦
 記

下市橋在縣治東北百餘步年久圯里人熊正等重修今廢

和豐橋在縣治東北舊名朝京橋宋邑人袁安翔後其孫

善化縣令袁去華新之消熙四年縣令王正邦重建易今

名去華為記至元二十八年邑人謀季塾重新後復燬正

統間邑人熊蘭芳砌為石橋俗呼為下市橋袁去華和豐橋記國都

大梁時奉新為荆粵孔道跨北道為朝京橋舊矣祖父始

創為橋亭七間歲久將傾去華常修之亡何當官者勇於

修陂濬河既深橋柱日危橫流暴至橋遂斷裂尺椽片瓦

蕩無存者工鉅難舉茲閱歲月消熙丁酉仲秋四明王君

正邦來為邑宰既三月政成民和百廢具舉一日過去華

問橋興廢始末去華議公意具告之故公乃命兩僧董役

率僚屬倡以已俸人爭趨之事半功倍越明年七月橋成

增築兩崖下植護柱線以欄楯飾以丹堊規模之壯輪奐

奉新縣志

卷五

津梁

十一

之美遂為當道偉觀兩僧請以公姓易橋名將刻諸梁公曰吾官於此補漏支傾悉惟爾民是賴今成此橋若輩之功也吾何與焉知求名非吾志也唯奉新土瘠而賦重嘗得豐歲猶可為治遇水旱愈不堪矣橋之成也歲適大稔吾將更其名曰和豐言天和言人使為政者致力於人以求必乎天則自今以始可以傳之無窮邑士民耆老奉公之意踵相接於門請予為記余謂天人相與事遠而實邇區區於繁文而責報於天屑屑於小惠而求媚於人心勞日拙反而求之愛人之心形於屋漏暗室之中而民氣和於耕桑隴畝之上至和之氣集於飲食之際而天意格於恍惚茫昧之間造端甚嚴其意宏大余觀公之為政操縱取舍不可窺測事至而應無所容心焉是故予者不喜而奪者不怨始至請於大府豁其逋租而新是圖寬與之程而信期之興學校謹教化尊德而尚齒嘉善而矜不能時其婚姻而賑其貧乏恤其死喪而哀其孤苦凡兩漢循吏之所以為艱而僅能者公率意為之初不求媚於人而歌頌之聲足以消沴氣初不責報於天而雨暘之時足以成豐年橋成而揭斯名可謂得其實矣昔杜預建橋而其君賞之以為功薛惠不修橋而其父病之以為不能與梁之政亦古人所致意而不敢忽者抑聞之韓宣子聘魯魯

享之賦角弓示親也既享宴於季氏而譽其嘉木武子爲之賦甘棠曰宿敢不封植此木以無忘角弓公於其邦愛利之教誨之不啻父兄於子弟焉豈但若宣子賦詩以示其志者修橋之舉侈於一木其屬意成之過於一譽願爲我公記爲後日甘棠之思去華旣自恨不能嗣先志又無辭以却邑人之請遂爲記公字榮甫桃源先生之後好學善詩尙氣節爲吏守家法不肯取合時好蓋其天資云

通城橋在龍山之西市民周應南建今廢

京思陂橋在縣北二里里人鄭啟清募眾修砌劉近光重修

龍洲橋在縣西三里

乾洲橋在從善鄉縣北三十里里人余葛周模倡修

猛山橋在從善鄉縣北三十里路通荆楚康熙五十四年

奉新縣志

卷五

建置二 津梁

三

里人彭良顯伐石捐建雍正年間圯乾隆十二年顯孫彭龍澤淵同修

周嶺橋 鐵水橋 楓山橋 橫岡橋 南山橋 社埠

橋 鳳岡橋 塘溪橋俱在從善鄉

良石橋在從善鄉鄭溪之北道光元年里人重修

赤郭橋在建康鄉縣東北二里里人譔孟珣創尋廢明正

德十年邑人徐若彥伐石重建

深水橋在建康鄉縣東北五里六溪舒偃募建

六溪橋在建康鄉縣東北十里里人舒德彰建後圯康熙

十三年徐元美獨捐千金伐石鼎建

界竹橋在建康鄉縣北十里里人鄭啟清募建順治十三年乞民陳富十捐所丐錢穀重建訓導程良佐記

鳳凰橋在建康鄉縣東北十五里

黃土橋在建康鄉縣西五里舊為木梁明景泰二年鄉人易以石橋

溫子橋在建康鄉里人溫子鐘募修

北至橋 永福橋俱在建康鄉

板橋在建康鄉四十都

樞榔橋在同安鄉縣南十里元至元間圯知縣張吉省給船以濟

奉新縣志

卷五

建置二 津梁

十三

國朝乾隆丙午邑人重修又於其旁另建一橋修廣視舊增倍

長虹橋在同安鄉縣西南十七里

大石橋 永濟橋封職李兆麟捐建俱在同安鄉

富家腦橋在建康鄉縣南五里邑人潘履道修久廢今修龍珠橋在建康鄉縣西三里明正德元年市民徐若彥捐費伐石修砌知縣王翊立碑

國朝雍正十三年重修

藏溪橋在建康鄉縣西十里明正德間涂氏建隆慶間邑

茂才廖邦全重修知縣陳雋記

太平寰宇記云在縣西二里長五丈五尺許遜斬

蛟之所其蛟入穴遜以片石書篆文鎮穴口今現在

慶豐橋在奉新鄉縣西七里舊名港口橋乾隆元年募修

趙知希慶豐亭橋記新吳居五嶺衝要為山澤之名區山
環外繞而澤匯中流高源出百丈居縣治東北歸入於湖
其間大溪小澗民艱厲揭惟藉橋梁之有備以濟行人山
深泉漲木石相推歲久年遠衝礪傾圯多致有蕩然無復
存者或艤舟布渡招喚維艱竹筏浮梁臨危足慮羈遊攬
轡而躊躇負販臨川而太息泣阮悲岐固不獨港口一地
需之甚殷也余於莅奉之初停車問渡所在周諮競競以
興頽舉廢為懷奈緣公費無餘民力多困遷延日久比歲
逢稔而人競樂善諸廢墜者漸稍就振余實快焉歲丁
巳秋亢晴日久晚穀需雨正殷署客謂予曰設二禾歉收
亦大有之小疵乃越日而大雨畢注四郊沾足余方與客
相慶於補過之亭適港口橋成督修募緣諸人以橋記請
且丐名焉余喜而笑客遂進曰昔歐陽公之亭以豐樂名
蘇眉山之亭以喜雨名且昔新吳之橋亦有以和豐命名
者矣今港口橋之成與子慶豐之意適有合也則謂之慶
豐不亦可乎余曰唯唯囑客代書以授其人督修者誰則
建置二津梁

奉新縣志

卷五

津梁

十四

邑之耆民鄧郁章鄒端甫公連方槐先鄧漢臣良柏等也
募緣者誰則福雲僧慈明也橋樸伊何則易木為石新築
入墩九甕每架石梁三根根長一丈五尺濶一尺六寸厚
稱之墩長一丈高九尺濶四尺五寸共計十有二丈也新
亭翼然臨於橋東者慶豐亭也橋成伊何則眾力共勸約
費三百四十餘金經始於乾隆元年十月八日告竣於二
年又九月之三日也爰為之記

藍溪橋在奉新鄉縣西十里宋紹興間邑人王度隱溪上

號藍溪舊架石為梁後圯度四世孫德政重建後復圯明

景泰四年德政孫則善築為長堤行旅甚便

黃流橋在奉新鄉縣西五里

便涉橋在奉新鄉黃城

港頭橋在奉新鄉

大陂橋在南鄉縣南二十里里人胡正德雅德修砌

李公壇前橋在南鄉縣東六里

陽烏橋在北鄉縣東二十里太平寰宇記云縣東三十里連縣五橋相續橫截川源常有羣鳥棲集此側是村館俱名陽烏而橋亦名之明正統間知縣袁彰創宏治九年按察司僉事沈清修按現在只一橋餘或均毀矣

廣陽橋在北鄉縣東二十七里

港下石橋在北鄉

天福橋在北鄉土安

港子口橋在北鄉縣東北二十里

三溪橋港橋在北鄉

奉新縣志

卷五

建置二

津梁

五

萬坑橋在新安鄉縣西北二十五里

安元橋在新安鄉乾隆五年里眾募修

三元橋 諶埠橋 礮溪南河橋 觀下橋 礮溪東橋

俱在新安鄉

厚田橋在新興鄉縣西四十里

陽塘橋在新興鄉縣西四十五里

洛覺橋在新興鄉縣西北五十里樂安人李興五創建

雉頭橋在新興鄉下山乾隆四年鄉飲介賓巖克相捐貲

一千四百兩伐石創修卷甕及上下石路二百五十丈趙知

希雉頭橋記自縣治迤西穹谷巖巖呀然注然攢蹙累積絕少夷曠之境其施施而行絡繹不絕則為分甯之孔道

離城四十里有雉頭山跨澗山下水聲潺湲發源於華林山下曲而深者勁且疾者千支萬派罔不順流奔赴萃注以達於河是為眾水之所必經土人舊以竹木登搭為渡而顏其地名曰雉頭橋每春夏泛漲暴雨疾作仍漂沒不可行溪水阻隔四方行人往來跋涉咸苦不便余以公事往經其地竊惆悵者久之夏令曰九月除道十月成梁營室之中土功其始此固守令者之責也特以路實衝要出入山谷間

國家經費之所不及守土之清俸無幾行者雖或以為病而鳩工疊石終計無所出一日有嚴子者是為鄉里善士遂巡來前揖予而言曰竹木為橋日久低塌不治予幸邀天之庇頗有餘費勉力捐修慮陟發驟溢捲石為壘雄壯有加併及雉頭山石路崎嶇上倚懸崖下臨深淵伐山開道砌石為徑頗稱康莊云四方之人咸相鼓舞於斯經始於乾隆三年三月高一丈九尺濶一丈長六丈併上下石路二百五十丈告竣於四年十月用銀一千四百兩願吾邑父母有以紀之余維嚴子樂善好施毅然成此舉佐予之有志未逮實

奉新縣志

卷五

建置二 津梁

六

昭代善氣薰被所當獎予勤諸貞珉以敦善行以誘後來是豈有倖徼果報之見動於其中歟斯可書也已嚴子名克相字仲勤舉鄉飲其子孫簪纓相望世居奉新羅坊人涖斯土者趙名知希字太音江南涇縣人

卷襄橋 墓洲橋俱在新興鄉

登仙橋在新興鄉相傳劉道成於此上昇故名

中會橋在新興鄉縣西四十里

述濟橋在法城鄉縣西南二十五里舊名車坪橋里人余

琬伐石重建未竟次子鎮武成之故名嘉慶十一年余氏

裔孫重修咸豐七年余筠根妻王氏重建

吟溪橋在法城鄉縣西南三十里鄒姓伐石鼎建乾隆四

十六年甘兆琳重修卷襄

中港橋在法城鄉渣村縣西南四十里昔為木梁至元二

十年新興鄉鄒伯舉砌以石後圯今仍木梁

碧溪橋在法城鄉縣西南四十里里人劉元軒建劉正三
重修職員劉顯謨劉日祥續修正三裔全職劉學煜復修

南溪橋在法城鄉渣村縣西南四十里義民鄒伯璣捐已
費伐石創建後衝圯里人架以木乾隆二年涂以文後裔

重建石梁

騰蛟橋在法城鄉起鳳山前

南澤橋在法城鄉

萬家橋在法城鄉縣西南三十里

中港橋在法城鄉安福寺前

奉新縣志

卷五

建置二 津梁

七

渣村橋在縣西四十里

三板橋在進城鄉縣西南五十里明洪武二十九年圭簿

邢敬率眾修建

石下橋在進城鄉縣西四十五里舊橋傾圯乾隆八年監

生羅集伐石另建

安瀾橋在進城鄉竹溪縣西五十里監生羅興錦伐石架

木獨力捐建置租五十五石構寺飯僧贍橋永久

知縣陳景仁記

奉邑西走五十里曰進城鄉鄉有竹溪里望族羅氏世居
焉其地濱河每春夏驟漲勢輒洶湧涉者病之乾隆乙丑
冬余奉

簡命承乏茲土嘗以公事至其地見夫長波臥虹如帶如練屹
然砥柱於中流者厥惟安瀾橋橋之右依層麓瞰清流殿
庶堂楹規制宏偉松杉蓊鬱儼然彼岸者厥惟安瀾寺余

憩延僧話乃知是皆向所未嘗有悉里人羅君興錦一手足之烈所獨創而不以累同人寺以衛橋并不欲令累後人者也余復詰僧曰有以衛橋儻無以衛君且捐田若干奔走四方之不暇違為是橋計乎僧曰羅君且捐田若干以飯僧僧等因得安然於此而無衣食慮故橋與寺無異稱者事以類起名亦從同欲後之人顧名思義以無負其初心也嗚呼羅君利濟之心夫豈易測其涯涘哉規畫精詳繕治完密必圖出於萬全而後已蓋好名之念與果報之說漠然無所動於中宜其慮之深謀之豫也是役也始於乾隆五年八月閱七年二月竣功計墩二十有九石甃砌上架木梁長數十丈費四百金創寺工費倍之田租計五十五石飯僧外歲贍修葺共費白鏹一千五百有奇厥功洵可大而且久矣羅君素馴謹善下見義必為嘗捐重貲助置學田余心儀久之以不及相見為恨適令嗣來謁備述顛末請為之記余曰是實獲我心也遂書以貽之子克經郡庠生次克緯邑庠生皆篤行積學克世其家人咸以為餘慶之徵云

竹埠橋在進城鄉縣西南五十里

奉新縣志

卷五

建置二 津梁

丈

古港橋在進城鄉陰村縣西五十里

黃花橋在進城鄉陰村縣西五十五里

里人劉坎入建封職羅永恭重修

三仙橋在進城鄉羅坊縣西六十里順治十六年羅坊嚴

羅鄧王金五姓修

永濟橋在進城鄉治城縣西六十五里舊為木梁康熙丁

亥年彭良京捐貲三千餘金伐石創建

知縣佟世俊記縣治之西六十餘里

為治城有河源發自百丈嶮嶂峙其北洞山障其西四面崇山支流匯集獨當水衝為武甯湖廣新昌之孔道歲戊子余攝篆茲邑以公務經其地適夏雨淋漓河洶湧欲渡無橋覓舟以濟見兩岸伐石山積工徒雲集為創建石梁之計費甚鉅也因詢諸土人曰是橋為僧人募緣耶抑合地之有力者而眾建之耶土人曰否否此吾邑秀才彭子良京一人之所獨任者也余曰彭子亦素封士耶曰非也然則彭子何以能獨任也曰彭子家不甚饒而勇於為

善恐借助於人觀望推諉不能速於告竣則涉者病矣彭
子以為是不若一人獨任之也余曰然則前此無橋乎曰
有橋厥名永濟由來舊矣今橋雖傾名未改也余曰然則
彭子何以遲至今日而始有是舉曰彭子之經理此橋也
非一日矣昔年疊石為墩架木以渡茲因傾圮無常故再
建石梁為久遠計彭子之意殆欲無負此永濟之名也余
聞而心儀者久之明年橋成仍以公務再經其地但見勢
若長虹偃臥水上負者任者輦而乘者絡繹不絕莫不往
來自如以視曩日雨漲河鳴乘野艇而隨波上下之况難
易安危較然迥別彭子之功豈淺鮮哉於是呼土人而謂
之曰彭子創建斯梁厥功甚懋予欲詳之上官請旌以為
世勸然非悉其工與費不可爾盍為我言之僉對曰彭子
與工前不問吾儕小人有是心久矣居無何彭子命其次嗣義
即不問吾儕小人有是心久矣居無何彭子命其次嗣義
祚持書投余曰宇宙間事皆吾分內事某曾奉教於大人
先生矣區區一橋敢因之以邀譽耶謹遣兒子告願侯無
徇眾請則幸甚余懼重違彭子之志因寢其牒而未以上
聞且又念彭子之於是橋虔始厚終以一身獨任功不可
泯且為今人之所難者爰綴數言勒石橋左使過是橋者
更有為今人之所難者爰綴數言勒石橋左使過是橋者

奉新縣志

卷五

建置二 津梁

六

覽之共知治城彭子良京之無所為而為善有如此也

入仙橋在進城鄉

廣濟橋在奉化鄉小溪貢生蔡鴻才捐貲伐石創建趙知縣

希記新吳諸水一發源於百丈山一發源於九仙山由九
仙而下則為小溪當邑之西徼萬山嶺岢崖石岬嶠鳥道
一綫為甯奉之衝行李往來絡繹不絕舊有石橋曰廣濟
歲久而壞乃縛木為之山漲怒生輒復傾圮而橫流冲齒
溪遂分而為二行者每苦之歲甲寅余因公數至其地思
有以濟之未遑也石溪孝廉蔡君來言於予曰居與小溪
近某弟鴻才有志於斯橋久矣歲入所餘銖黍而積之者
十年願盡捐之以任是役予曰善顧修之道若何曰請易
木而石之兩溪之間為洲者施以墊塹為兩石梁以渡焉
而山路之嶮巖者治而平之庶幾稍便於旅人乎余乃矍
然而興曰嗟夫仁人之利溥矣哉何其願之宏而計之遠
也越一年蔡君來告成於余因遂巡言橋舊名大某弟懼
弗敢當請易余曰是無容辭也遂仍其名而書此以告之
橋始事於十三年二月迄本年十月廿日乃成需工需灰

聖需脯糜計費朱提三百兩有零蔡君名尙才鴻才其弟也歲貢生法當並書

石巷橋在奉化鄉乾隆十二年候選縣丞嚴盛旭捐貲六

百兩鼎建及修砌上下石路四百丈大理寺卿朱必塔記高安去奉新不百里

而近其西北鄉曰奉化山谷深窈鳥道盤折溪流屈曲從

石罅中迸瀉東下匯於大河蓋高奉所由通甯楚之孔道

也為橋凡數十處惟石巷為最險兩岸峭壁如削俯瞰深

淵巨石生其中方廣丈許潢潦犇噬聲如怒雷土人舊縛

木為橋以渡行者惴恐雖盛夏猶寒慄不能自止余媿嚴

君景舒其家世好修橋路以濟人所費嘗數千金矣至是

惻然念之乃捐貲募工就石鑿之疊為石墩甃以灰堊凡

為墩者四上覆以石梁廣四尺長三丈有奇又念山路崎

嶮悉治而平之燬以石上下計數百餘丈共費朱堤六百

兩幾閱月而告竣乾隆十二年八月事也以余所聞於余

鄉人之往來於斯者其初如履蜀道登九折坂談者色變

今則行李往來如涉康莊於是無不歌頌嚴君將稱其功

德於不衰會嚴君以書來屬余為之記余聞嚴君樂善好

施與其生平修橋路賑饑民捐田以贍義學善行不一而

足而斯橋則又大有惠於余鄉人者故不辭而為之記君

名盛旭景舒其字也

福惠通仙橋在奉化鄉下保縣西七十里明成化六年僧

會圓軼建

太平橋在奉化鄉白水

顯英橋在奉化鄉白水

富溪橋在奉化鄉縣西七十里里人伐石剏建咸豐十年

本里劉彭黃熊廖徐等姓募修復公置田租八十八石以備歲修之費

奉新縣志

卷五

如橋故名

橫石橋在奉化鄉縣西一百里石脈橫亘竅可通流平砥

通和橋在奉化鄉距橫石橋百步里人李正通正和叔建
長溪橋在奉化鄉

九仙橋在奉化鄉湯里嘉慶戊辰年黃命敦之妻王氏捐
貲重修

畦日橋在奉化鄉石溪上亭下甕蔡輔伐石創建桂軒後裔重修

青雲橋在奉化鄉甘坊上石欄三捲甕

長灘橋在奉化鄉

望仙捲甕橋在奉化鄉金港橋頭

龍門橋在奉化鄉

長青捲甕橋在奉化鄉青草塢石堤長跨丈餘萬歷癸未

奉新縣志

卷五

建置二 津梁

三

蔡大卿建曾孫子三弟希益修以上舊府志

謝家橋五墩在縣治東南里許乾隆四十八年邑貢生胡

文華捐修併修石路嘉慶二十五年文華後裔重修

安福橋五墩在同安鄉監生胡周萃捐建

金湖橋十八墩在同安鄉乾隆三十七年里人募建

蝦里橋九墩在同安鄉

斷洲橋五墩在奉新鄉縣西五里乾隆四十五年吏員羅

秉仕捐建咸豐九年廖春華疏其淤塞

立達橋五墩在奉新鄉縣西北十五里乾隆五十六年監

生王永祚捐建

萬年捲甕橋在奉新鄉嘉慶九年職員王炳謨貢生王承繪捐建

永安捲甕橋在新安鄉雄嶺圍嘉慶十八年監生袁如上捐建

金溪橋六墩在新安鄉縣北二十二里

羅埠橋五墩在新安鄉縣北二十七里乾隆二十年里眾創建

黃蓮橋八墩在新安鄉

永濟橋五墩在新興鄉小港縣西四十里眾建

高坪橋七墩在法城鄉潭溪乾隆十八年監生劉大成捐

奉新縣志

卷五

建置二 津梁

三

建

蠡林橋五墩在法城鄉縣西四十五里里人劉元軒創修劉顯謨重修

辰分東車橋五墩在法城鄉縣西五十里鄉飲介賓劉良适創修劉顯謨劉一士裔重修

蕩平橋五墩在法城鄉甘琴九捐建嘉慶二十一年武舉

甘孔椿之妻趙氏重修

下保捲甕橋在法城鄉崇果寺僧大方捐建

店前橋五墩在進城鄉藍田羅姓及里眾同建

仰山捲甕橋在進城鄉

魚塘捲甕高橋在進城鄉竹溪羅孟彰捐建

陰村上小港石橋即前載黃花橋

萬壽捲甕橋在奉化鄉監生周雲瑞捐建

雙關捲甕橋在奉化鄉金港

楊湖捲甕橋在奉化鄉職員劉映宿捐建

左家捲甕橋在奉化鄉周世科捐建

龍津橋五墩在奉化鄉大澎潭職員周成章捐建

金湖橋十餘墩在奉化鄉富溪水口里眾同建

宅背橋十一墩在奉化鄉富溪水口

萬福橋五墩在奉化鄉富溪文架坪

奉新縣志

卷五

建置二 津梁

三

礪溪捲甕橋在奉化鄉封職羅慶福捐建

觀音橋五墩在奉化鄉湯里黃命敦之妻王氏捐建

雁齒橋在同安鄉咸豐四年職員胡懋松捐建

普濟橋在同安鄉官源上首職員胡景旭捐建

神助橋在新安鄉雄嶺圍同治九年袁步春堂捐修

藍橋在建康鄉草蔣圍

李子港橋在建康鄉草蔣圍

易田陂橋在新興鄉雷文謨伐石新建捐租三十石零七

斗八升

大石橋在大橋圍水口洪水冲塌同治九年大橋圍重修

廟前橋在南鄉里人劉之遜創建

藕塘上首石橋監生宋邦才妻鄧氏重修二次

福星橋在法城鄉曜園里職監劉從業捐修

長春橋在奉化鄉石溪洞下職附生蔡逢源捐修

青草塢口石橋在奉化鄉職附生蔡逢源捐建

螺絲地橋在新安鄉同治六年訓導喻化辰捐修

三板橋在奉化鄉石溪園廖文明伐石捐建

平安橋俗呼陶家源石橋在奉化鄉甘坊邑庠生彭芝蘭捐建

安瀾橋俗呼黃板橋在奉化鄉甘坊監生彭景韓捐建

奉新縣志

卷五

建置二 津梁

三

惠濟橋在奉化鄉甘坊彭旭軒支修

步雲橋在奉化鄉上村羅惟貴李邦福蔡繩武戴義陞溫

正玉後裔捐建并旁建咸亨門

流汾橋在法城鄉車坪同治三年里人余少筠重建

檀石橋在新安鄉里坊村節婦喻兼善妻陰氏捐修

捲甕橋上亭下橋在同安鄉雅溪乾隆癸巳年里人修建

嵐茜橋在新安鄉同治四年訓導喻化辰捐修

敦孝橋在建康鄉烏嵐徐氏原建石橋同治六年徐十一

支裔重修

蕭家橋在奉化鄉石溪園小溪韓華峯捐租五石大土名

中畝竹園子

金村橋在新安鄉縣西二十五里里眾募修道光三十年任靈壁知縣羅煥奎指費伐石增高四尺

湖中橋在建康鄉潛家巷道光二十三年職員謝錫誥捐修

南津渡在縣南三百步即橋南渡

富陽津渡在縣西一里即上塌頭渡

中渡在縣西三百步

東津馬田渡在縣東二里

水沙灣渡在馮田渡下舊志訛洗菜灣

奉新縣志

卷五

建置二 津梁

三

延平觀渡在建康鄉縣東二里

三溪渡在建康鄉縣東二里

童家渡在建康鄉縣西五里

候龍渡在奉新鄉縣西五里相傳旌陽候蛟於此

磐山渡在奉新鄉縣西二十里例貢李學材捐租十一石

七斗五升贍渡

唐家灣渡在北鄉縣東二十里

潭埠渡在新興鄉縣西二十五里帥天彩捐龍溪港口里

早租十石

張坊渡在新興鄉縣西二十七里

會埠渡在新興鄉縣西四十里

曾坊渡在新興鄉縣西四十五里

馬頭渡在新興鄉縣西五十里

陰村渡在進城鄉縣西五十五里竹溪羅姓歲修

管塌渡在進城鄉縣西五十里羅姓眾建嘉慶戊午職員

羅時敏捐租二十石永贍陰村管塌二渡

羅坊長灘渡在進城鄉縣西六十里

富溪渡在奉化鄉縣西七十里 已上舊志

乾洲義渡在從善鄉乾洲街同治五年義社紳董勸捐製

買乾洲河南店屋三間兼前橋會所存店二間余翰堂捐

奉新縣志

卷五

建置二 津梁

三

店一間又將樂助錢買穀四百石附義倉生息永爲贍渡

安興渡在磬山之河北縣西二十里安興兩鄉添置義渡

上里渡在新安鄉縣西二十五里從善鄉熊旭菴捐租十

四石九斗以贍渡

湖尾劉姓義渡在法城鄉縣西五十里劉姓眾建嘉慶二

十三年監生劉馨捐租十一石一斗贍渡同治六年劉姓

續捐田租一百二十九石餘斗錢三十五千文設立義渡

又湖尾熊胡姚陶王袁六姓義渡康熙六十年六姓置租

二十一石五斗贍渡乾隆十九年熊凱等呈批勒石存案

同治六年續經職監熊繼善陶謙裕職員姚光明熊光仁

陶立修監生袁昱星熊汝南武生袁錦生募熊袁陶姚四
姓捐租九十三石六斗錢四十六千文設立義渡

舊志誤
載招賓

濟川渡在進城鄉縣西六十里乾隆四十八年議設義渡
封員嚴盛旭捐建外助租八石贍渡

故縣渡在新興鄉縣西二十五里係本村一圖萬年興戶
縣建同治八年監生鄒召南捐租十二石贍渡

小溪渡在新安鄉縣西二十五里里眾醵金創建復置土
名蛇子凌早租四石道光二十二年新興鄉封職鄒作礪
捐程家壩項家橋南租六石咸豐十一年復捐龍溪黃泥

奉新縣志

卷五

建置二 津梁

三

坵貼子上園子裏陀背坵窰塘裏破號裏鱖子山租十石
贍渡

陳家埠渡在從善鄉洪川圍道光十三年本圍紳眾置田
租贍渡

遐塘洲上渡在奉新鄉同治九年徐觀光助田租四石五
斗徐志言助田租三石一桶贍渡

石嘴頭義渡在西關外馮川河直上里許道光六年歸德
鄉職員藍慶雲賴亦山封職李廷華李坤文張朝祥鍾龍
佐州同吳錫福黎際昌布理問鍾應材營千總黎清漣衛
千總包耀廷貢生李信文耆老鄭秀峯等醵金置租一百

九十九石設立義渡咸豐六年劉昌繡捐田租二十四石南岸渡在進城鄉羅坊下市監生羅鳳舉羅耀彩職員藍慶雲郭同松鄉約陰而斗羅克琦民人熊克繩羅拱辰唐洛川羅克洪羅福遂藍熾藩劉昌繡陰而吉藍敬忠捐助義渡二隻共贍渡租一百六石五斗大

雅溪義渡在北鄉雅溪宋埠舊義渡因兵亂廢同治七年宋姓及近鄉紳耆倡捐重建名永濟堂新置石鼻店四間葛湖渡在新安鄉縣西二十五里同治九年職員吳應鼎捐上水坑晚租十石大贍渡

修路

附

奉新縣志

卷五

建置二

津梁

三

建康鄉彭張氏捐修馬井街口上至演武廳洲石路四百餘丈

從善鄉鄉飲周仰齋捐修劉莊至乾洲石路三百餘丈

從善鄉監生余允錫捐修水溪至乾洲石路四百餘丈

建康鄉熊任捐修城北觀巷口至巷里石路十餘里

建康鄉封職徐維組捐修六溪至縣石路十餘里

奉新鄉涂元之妻余氏捐修南驛店下驛路二百餘丈

縣市鄉監生賴日瑜捐修驛路二百四十丈

同安鄉監生李調元捐修永濟橋北石路二百四十餘丈

法城鄉江錫昌捐修南驛路二百六十丈

法城鄉捐職劉芝生捐修會坊至會埠石路二百餘丈

法城鄉劉顯謨捐修麥嶺橋西石路二百餘丈

法城鄉封職劉馨捐修奉化鄉雙堤石路七里又修椰樹

嶺石路十里

進城鄉監生彭崇禧捐修招賓渡下石路四百八十五丈

進城鄉彭向榮捐修路口石路六百三十餘丈

進城鄉封職嚴盛旭妻鄒氏捐修招賓湖尾橋并石路四

百餘丈進城鄉羅以成妻徐氏捐修竹埠橋西驛路三百

七十丈

進城鄉職員羅興等監生羅廷炳捐修陰村渡南石路四

奉新縣志

卷五

建置二 津梁

五

百餘丈

進城鄉封職羅冕妻熊氏捐修本里石路二百餘丈

進城鄉職員羅膺福捐修自路口至九仙湯石路二十里

進城鄉羅惠卿歸德鄉邱福旺捐修仰山香油坪石路八百餘丈監立碑石

進城鄉羅金海捐修大橋圍石路二百餘丈

進城鄉彭典祚捐修本里石路四百三十二丈係永濟橋東直下

進城鄉彭獻琨捐修永濟橋西石路六百餘丈至上富古孝弟里

奉化鄉封職彭紹祖捐修山棗坳路四百餘丈

奉化鄉封職彭志密捐修牛頭嶺石路五百餘丈

奉化鄉封職劉履中捐修湖口嶺石路六百餘丈

法城鄉監生劉成煜捐修橫橋圍程家嶺石路三百餘丈
奉化鄉職員劉肇遵繼母周氏命捐修橫橋圍下村石路
二百餘丈又修新昌陳家坳石路四百餘丈

奉化鄉封職劉星衢捐修南峻石路五百餘丈

奉化鄉監生劉應坡捐修南圳石路五百餘丈

奉化鄉職員李繼枋捐修石溪灘沿河驛路四百五十八
丈又修下村河岸石路二百五十七丈

奉化鄉職員李繼楨捐修文架坪及程家嶺石路七百
丈餘

新興鄉張拱北之妻徐氏捐修本里石路二百餘丈

新安鄉袁如上捐修雄嶺圍石路六百餘丈

奉新縣志

卷五

建置二 津梁

三

縣市鄉封監趙賡之妻鄒氏捐修北關外通濟橋至城隍
廟石路二百餘丈

奉化鄉李繼標捐修港南口石路五百餘丈

奉化鄉封職李球捐修大港前沿河直上石路二百餘丈

奉化鄉監生蔡象衿捐修望鄉嶺石路十里

南鄉鄧大器捐建五里亭於縣治東南驛路旁嘉慶十五
年大器裔重修 以上舊志

奉化鄉廖文明捐助田租十石贍株梓岡等處修路之費
奉化鄉涂樸齋道光十年捐修南驛石路二百餘丈

進城鄉增貢生彭忻承父命重修永濟橋西石路六百餘丈

余學惟德捐修穀源坳石路八里又修長溪石路五里及息雲亭一間又捐修港尾至橫石洞石路十里

羅煥章捐修東莊至溫沙坪石路五里

職監趙潤生童生獻臣樹春遵父封職克昌遺命捐修茶園至小路口石路四百七十餘丈

奉化鄉封職李潮清之妻唐氏捐修本里石路一百丈又修大嶺至暗溪石路二百丈

奉化鄉蔡繩武捐修望上嶺石路五百丈

進城鄉封職彭志燮捐修冶城至佛山路三百三十餘丈封監劉克詢捐修增坊至會埠石路二百餘丈

奉新縣志

卷五

建置二 津梁

三

建康鄉職員謝錫誥捐修潛家巷石路二百餘丈

張敦謨修新興鄉北大路自長坪至馬頭共計八里

監生劉光祖捐修曜圍里至會埠石路三百餘丈

游樂驛路邑侯吳憲文捐錢一百千文德心堂捐錢二千文日新堂彭復新堂共捐錢九十千文彭張氏捐修路

心三百四十丈彭光美捐修二百丈劉緝光妻涂氏彭杏

林堂金翔萬晏旭莊彭景福堂共捐修四百四十六丈

封職嚴宗樸捐修羅坊街石路三百餘丈

北鄉御史帥方蔚之妻胡恭人捐修南門外駟馬埭石路百餘丈及本里石路二百餘丈

進城鄉職員鄧熾昌遵父職監獻廷遺命捐修長樂至陰
村石路六百餘丈

奉新縣志

卷五

建置二 津梁

三

水利

蘆陂在從善鄉由蘆溪發源流十餘里至顧溪灌田二千餘畝古立有塌一場分水蔭李姓熊姓田二塌三塌分水蔭熊姓鄒姓田三塌下入安境道光二十二年里人鄒文忻倡首捐費邀集同人於蘆溪老堰提上數十丈修築橫堰六十餘丈又修護堰石隄四十餘丈其費均出顧溪復邀里人捐助田五十五畝為後修補之費又圳路由規下余姓基側分出咸豐年間洪水冲塌同治二年鄒文忻之子隆培倡首捐貲砌石其費亦顧溪捐助

良石陂 灌田三百畝

奉新縣志

卷五

建置二 水利

三

烏石陂 在河北灌田萬餘畝 趙知希烏石潭陂記昔太史公載秦鑿涇水為渠溉田萬頃秦益以饒班氏作漢書遂踵是而有河渠之志此水利所由廣也余調任新吳於簿書之下覽邑乘凡有關於邑之水利害靡不究其源委以策久圖而從善一鄉有烏石潭陂所關尤鉅自成化十二年從善鄉余鼎漢請於官率本鄉民戶鑿石山嘴通河流行三四里許至從善灌田萬餘畝一鄉賴之維時謠曰龍門既闢惟禹之績烏石巖巖孰夷其石西湖源源孰濬其入宣義余公惠我遺澤我子我孫享利無極嘉靖四年有周烽者復請於官重修完固灌漑益廣時則又有烏石巖巖民命所關余公濬源周公障瀾我子我孫何日可設之謠余三讀之未嘗不美其功思其人而亟欲一履其地也歲丙辰余奉憲檄凡兩得至焉見其圳道北臨山麓一帶怪石峻嶒遐想當年鑿通引流不知幾費經營而後成此美廕也考其源自甯入靖由靖至烏石潭潭之中兀然巨石砥柱中流鄉民因之為陂乘地勢而重以人工由大河激水以入圳圳外逼近河干護以長堤植木成林鬱然深秀余顧而樂之復遡流而下至水源積聚之處名曰洋濠眼界愈寬忽一小圳分水於南其北圳內橫設一木詢其由里老曰此靖民分水以灌靖田者北圳稍

奉新縣志

卷五

建置二 水利

三

低恐涸南圳之流故立以為限其步位則定以離靖圳口
 七丈木之圍圓則定以三尺三寸稍增反涸北圳之流將
 萬餘畝盡成蒿萊矣靖人不勞開鑿而享自然之利吾鄉
 亦不惜分潤以及之余聞言而慨然過此則支圳頗多不
 能悉紀約二十里至龍山而其廕始盡乃放而納之河登
 龍山以望原田每每如繡之錯一水盈盈如帶之縈所謂
 灌漑萬餘畝者咸在吾目中民謠之作洵非虛譽也而是
 山亦最名勝鄉人士建浮屠於上顏曰文巒是又可徵人
 文之森秀蒸蒸末艾焉且夫水利之所關鉅矣我
 皇上勤求民依凡圩堤修濬皆垂功令江右豐城之墻至發
 帑培築睠茲烏石一堰鄉人咸食其利前賢既開而鑿之且
 重修之後之人可不思守護惟勤以垂樂利於億萬年哉
 詩不云乎永言保之余忝司民牧不憚越陌度阡復倦倦
 焉樂為鄉之父老子弟相為勸勉也是為記 奉憲批詳
 烏石潭橋木尺寸碑摹 按橋音痕平量斗斛也 奉新
 縣知縣李為謀成縱混欺憲電抹事乾隆十六年七月二
 十四日奉巡撫部院舒批據布政使司王議詳查得奉新
 縣監生余開估生員周金余琳陳震堰民周次乾劉天垂
 彭秀珍周宗尼等與靖安縣監生潛日寰貢生胡廷獻生
 員胡廷對堰民張兼善等互爭烏石潭陂水利一案緣烏
 石潭陂發源靖安經前明余鼎漢周烽等鑿石開港先後
 創修引大河水而注諸圳烏石陂下越里許名曰洋濠水
 分南北兩圳南廕靖田北廕奉田奉靖兩邑田畝均資灌
 溉由來已久至康熙三十五年兩邑民人爭水互控詳奉
 批定飭立橋木障水以均水利自是以來迄今五十餘年
 彼此相安無事茲因靖邑修志潛日寰以洋濠一堰靖邑
 前志遺漏未載稟請補入而奉新余開估以烏石潭陂係
 奉民所開靖志歷來未載阻其補刊以致復行興訟控府
 控道經該府批飭奉新靖安二縣勘明原係橋木離靖圳
 口六丈四尺二寸圍圓三尺三寸身長二丈六尺四寸上
 下松椿二十四箇繪圖請照現在丈尺數目刊載兩邑志
 內等情由南昌府核議洋濠一堰靖田之資其灌漑者頗
 多舊志失載現今正在修志自應准其補入惟查舊案所
 定橋木三尺七寸碑摹所載三尺七寸五分現與量驗不
 符蓋緣部頒尺比舊尺較大今既有部頒尺自應遵照部
 尺為準若不將改用部尺較量所以不同緣由詳明將來
 靖民或得藉口立橋之時原係三尺七寸因入水腐爛只
 剩三尺三寸為詞復起爭端等情詳經糧道批查橋木之
 設原為兩邑均分水利總期田疇有灌漑之資即可相安
 永久今據該兩縣會勘現存橋木圍圓三尺三寸自設橋

奉新縣志

卷五

建置二 水利

五

木以來迄今五十餘年兩邑水利適均並無偏累自應即以現在三尺三寸之橋木為額定準繩未便拘泥殘缺不全之舊案曉曉角競如詳轉飭該兩縣畫一入志以昭永久以杜訟端再余鼎漢周烽開鑿重修之處明志已經備載亦應仍存其舊餘照行此繳等因批府該府詳奉憲台批司查議詳奪等因並據該府錄案詳報到司本司細核原案備查烏石潭陂水至洋濠而洋濠一堰分為兩圳故橫設一橋木為兩邑均分水利俾田疇均得藉以灌溉垂諸久遠且自設橋木以來迄今五十餘載已相安無事兩邑水利適均並無偏累乃監生余開估潛曰寔藉因修志紛紛爭控但據該二縣會同看明現在橋木圍圓三尺三寸則似應即以現在三尺三寸以部尺量驗之橋木為額定準繩飭令該二縣畫一入志以垂永久以杜訟端緣奉批議事理是否允當自應具文詳覆憲台核奪批示以便轉飭二縣遵照畫一刊載邑志等因奉巡撫部院舒批一橋分為二圳全以橋木為準如詳即將現在尺寸用部尺量定飭令各入縣志永杜爭端餘俱畫一刊載繳等因批行下縣合遵刻石入志永遵須至碑者道光三年知縣鄒山立重修烏石潭陂記邑東北三十里從善鄉有洋濠堰即烏石潭陂明時余君愚庵鑿源周君西疇所疏濬也

蒲陂在河南灌田萬餘畝帥念祖兩修蒲陂橫堰記邑東北三十里鄉曰從善厥壤中下其東濱於河與安靖接境地既僻衍物產之所出弗能與他鄉爭歲所取給恆資於農土壤繡錯獨蒲陂一堰受河水以滋灌溉發源於靖安紆迴二十餘里西北注於安義至二都則稍折而南地勢既窪下水至此輒散而復歸於河舊築土堤約十餘丈障其順下之勢導之使入於田土既鬆脆又修廣僅尺許遇霖雨輒衝決以是歲費數修率以為常鄉之甲族

國朝雍正中前令趙知希為之記歲久為水所傾全失故道雖閒事修築徒為補苴邇來頽壞益甚自堰口至龍山約二十里田萬餘畝盡成蒿萊太學生劉德之子太學生劉天閣兄弟重義輕財引以自任由堰口修築長堤上至舊堰烏石潭陂計八丈餘丈又在舊堰修築橫陂計四十餘丈除舊空堰口二丈餘行水外皆用石木兼和灰土闕十一月修築完固計用銀四千有奇令食烏石陂水利之家桔槔不聞而西成有慶其樂施豈易及哉余承乏茲邑修葺志乘從善紳耆乞余言誌美余雅重劉君之義故允請而記其事為樂善者勸又倒陂即烏石陂堵水之處道光三年岳士耀裔重修

奉新縣志

卷五

建置二 水利

三

曰余氏學山先生其望也康熙壬辰先生慨然思所以治之乃進父老而告之曰堰之為利於吾鄉大矣歸然一堤實為先別駕所經營細茲手澤且百餘祀惟是歲久制敝重累我井里今請易以石可乎眾踴躍而應曰惟命於是具資糧致材石募丁夫簡斤鋪命介弟與偕君董其事遂從舊基鑿深丈餘承以松鍵上累以礮石皆以灰堊墊之計石凡千層各三尺為閘一以司蓄泄閘長一丈八尺左右各五丈其縱與舊堤等橫則溢其十分之九計用白金二百九十兩有奇以癸巳九月起工越四年丙申三月竣事先是堰未修時歲費金如干至秋水涸歲入輒倍減鄉里苦之至是堰成遂歲無水患秋收增舊之半里人德先生甚咸相率以賀先生周視再四曰未也溪水暴漲溢於春夏石雖堅得勿圯然橫流冲噴歸從此開不數十年將又為吾鄉患乎已而果然公審端究歸盡得要領乃與偕君謀召前工掘石開土買灰萬餘斤雜土中和楊汁調糜粥塗之如俗所謂三和土者築既成表裏如一堅如熟鋼蓋至是而制度始備矣是役也以雍正丁未季秋凡三越月而成計費稍殺於前三之一嗟夫天下事亦在乎能任之者而已誠者任事之幹而智數之所自出也古今能任事之人必有堅定不易之心以為之本而後精

神所流貫乃足以周於數十年前希冀旦夕之效者所可敬壞故曰人定者勝天非夫塗飾目前希冀旦夕之效者所可敬壞故曰幾也蒲陂一堰耳今以觀於先生其任事之誠至於歷歲月糜金錢而安益求安務底於一勞永逸而後已使天下任事者盡如先生亦烏有所謂塗飾目前希冀旦夕之效者耶而先生乃僅僅以其誠與智數用諸鄉里間亦良足惜矣先生沒且三年其鄉之人食其惠賚將尸而祝之如畏壘人之於庚桑者乃以其事來言於余使為之記先生諱升字階六學山其號也以其事來言於余使為之記先生諱益以明經仕瑞金縣訓導余朝倡修蒲陂古堰記奉新之為邑土瘠而貧惟迤西處萬山中頗饒竹木之利餘皆樸而務農河水出於百丈諸山循東南而下民藉為灌溉每春夏潦漲沿河田多冲坍或偶旱則遠者車近者肩一勺之水寶之等瓊液甚至爭許不休余治奉一年披閱訟牘輒為惻然求所以治之而未得縣之北曰從善獨無此患余嘗以公事至其鄉父老為余言鄉之水獨發源於靖安折而東由安義始與奉新之水合而匯於江唐太和鄉人當其折處鑿渠導水為蒲陂堰受河流以溉田凡千餘畝築土堤計長三十里防其泛溢為閘十六以時蓄洩若今之治漕河者然其後水所趨而南別為堤以障之置

聞一曰聞口蓋自唐至今為利於鄉千餘年矣當明時堰稍湮廢鄉文林余公論山復經理之始為堰會會有約約有長歲修有備俾無遺決患康熙癸巳年論山之孫學博君既出其家財於所謂開口者盡易以石而古堰綿延數十里勢不能盡治國子生公度公藩學博君從子也其父明經方中君嘗捐金為修堰費至是積其贏餘買田三十餘畝公度等盡以備歲修之費又倡率其鄉人修明論山之履畝繪圖刻為堰關一卷由是章程畢具而修理益無匱竭今者逋賦足而爭訟平婦子熙熙而享豐盈之慶則公度之功未可忘也余聞之矍然而興曰嗟夫使天下盡如公度其為利於民生大矣我

皇上軫念民膜西北營田之利既已講求盡善而恩詔所頒凡郡國水利咸許有司不時修建所以為民生計者至渥奉新一彈丸邑而從善一隅獨能仰體

朝廷德意急公倡義使一成之地無旱潦之虞以煩長吏之籌策觀公度等所為經制盡善即其才智大有過人者令其出為世用西門鄭國之功誠不足多矣初堰關刻成前為之記公度字齡如公藩字垣士其同懷兄弟也學博君

奉新縣志

卷五

建置二

水利

渠

所修石堤具邑方伯帥公記中茲不更書嘉慶壬申河徙而北堰口壅塞農人甫開剗被附近居人張姓阻撓庠生余其中等不得已鳴於官經府檄奉靖兩縣勘斷明確永淮浴河疏通於張姓基址遠隔無礙余金奏等釀金始終其事

逆流陂 在從善鄉鄭溪之北灌田五百餘畝

以上從善鄉

鳳凰陂 灌田五百畝

北洲陂 灌田二百畝

黃家陂 灌田三百畝

洪家陂 灌田三百畝

京陽陂 灌田六百畝

蘆家陂 灌田十五畝

周家陂 灌田五十畝

界竹橋陂 灌田五十畝

京思陂 灌田十畝

胡家陂 灌田二十畝

鄒家陂 灌田二十畝

梅家場 灌田十畝

鳴水陂 灌田一百五十畝

前塘筒陂 灌田五十畝

下定陂 灌田十畝

實竹陂 灌田百畝

下陂橋陂 灌田五十畝

洪家陂 灌田十畝

綠溪塘 灌田百畝

上板橋陂 灌田五十畝

石陂塘 灌田十畝

蓮花塘 灌田十畝

譙家渡陂 灌田十畝

湖西圳 灌田百畝

湖東圳 灌田百畝

朱羅場

師姑場

白鷺陂 灌田一百二十畝

已上建康鄉

金湖陂 灌田三百畝

槎陂 灌田一百五十畝

黃伯陂 灌田百畝

水北陂 灌田百畝

井龍陂 灌田十五畝

石腦陂 灌田百畝

黃土陂 灌田五十畝

周家陂 灌田十五畝

四石陂 灌田百畝

已上同安鄉

奉新縣志 卷五

建置二 水利

劉六陂 灌田十五畝

小石陂 灌田十畝

百家坡 灌田十畝

涂家頭陂 自黃城灌至擎陂田數千頃

擎陂 灌田三十畝

青水陂 灌田五十畝

樅塘陂 灌田百畝

楊林陂 灌田百畝

青塘圳 灌田十畝

下防陂 灌田五十畝

白茅陂 灌田十畝

白沙陂 灌田百畝

楊家陂 灌田十畝

和尚陂 灌田百畝

上澇陂 灌田百畝

大石陂 灌田百畝

團山陂 灌田百畝

歐塘陂 灌田百畝

西莊陂 灌田五十畝

已上奉新鄉

村尾陂 灌田百畝

南圳陂 灌田百畝

水圳陂 灌田百畝

大陂 從火田灌至赤廓田

荷葉陂 灌田二百
大橋陂 灌田三
羅塘 灌田一百

牛車場 灌田千
社陂 灌田千
黃埠場 灌田百

百畝塘 灌田千
道士場 灌田千
慈姑陂 灌田百

高岡場 灌田百

已上南鄉

黃家陂 灌田十
譙家陂 灌田百
鄧家陂 灌田十

路南陂 灌田十
黃墘陂 灌田一百
西湖陂 灌田十

陽步港陂 灌田百
盤陂 灌田百
宋羅陂 灌田百

宋羅場 灌田一百
石陂 灌田二
桃林塘 灌田五

師姑場陂 灌田百
徐家塘 灌田百
義塘 灌田二

奉新縣志 卷五

建置二 水利

顯教院塘 灌田百
楊墘塘 灌田百
蘆塘 灌田五

規頭塘 灌田十
丁塘 灌田二
土地廟塘 灌田十

甘湖上下塘 灌田百
天寶場 灌田百

已上北鄉

金陂 在金村坡之北 灌田五百
附陂有洲地 羅徐廖鄒
凌五姓眾修同治八年 職員羅蘭生等 釀金重修

礪下陂 灌田百
毛陂 灌田二
嶺下堰 灌田百

已上新安鄉

百家陂 灌田三
赤田陂 灌田二
黃局陂 灌田三

鑿字堤 灌田二
螃姑陂 灌田百
北田陂 灌田數

白茅陂 灌田數
易田陂 灌田百

已上新興鄉

鴛鴦陂 灌田二百五十畝

廟前陂 灌田一百七十畝

西源陂 以上灌今溪田

石門陂 灌田數千畝

新皂陂 灌田三百五十畝

石場陂 灌田二百畝

赤田陂 灌田二百五十畝

蕭陂 灌田一百七十畝

藍广陂 灌田三百畝

朱山下陂

下港陂 灌田十五畝

下陂 灌田十畝

斜陂 灌田三百畝

容與陂

石岡陂 灌田二百餘畝

雙港口陂 灌田二百餘畝

烏广陂 灌田二百餘畝

已上法城鄉

黃土陂 灌田一百三十畝

大坡陂 灌田二百五十畝

東山陂 灌田二百畝

白花陂 灌田五百一十畝

百里陂 灌田一百五十畝

黃雁陂 灌田四百畝

奉新縣志

卷五

建置二 水利

三

上石陂 灌田一百二十畝

下石陂 灌田十二畝

中陂 灌田二百三十畝

下塹陂 灌田三十畝

熊大郎陂 灌田三百四十畝

已上進城鄉

上富陂 金港口灌田千頃

南墘陂 灌田千頃

治口陂 府志作治口灌

田三十畝

黃沙陂 灌田三十畝

兩岸陂 灌田一百十畝

新塘陂 灌田百畝

石陂洲官陂 灌田四百餘畝

范家陂 灌田二百餘畝

港湖陂 灌田百餘畝

已上奉化鄉

陳陂

張陂

官陂

藕陂

野鴨陂

新田官陂

柞樹陂

廟前陂

小里坑陂

破陂

官庄陂

葉家陂

魯广陂

社下陂

後竹陂

百石陂

龍旋港陂

况家塘塌

淩波塌

麻陂塌

黃沙塌塌

三會石廟下陂塘

塔頭陂

已上舊增陂塌

附

龍洲堤在縣治南門外乾隆十三年邑眾築墻阻水浴河

田千餘畝皆免衝沒之害

舊志按奉邑無江湖巨浸資以潤阡陌者大抵山泉居多有陂

奉新縣志

卷五

建置二 水利

旱

圳以導之有塌口以均之有管與广以啟閉之所以利田者甚厚邑從善一鄉山泉最盛其發源於靖安導入境內蒲陂烏堰食其利且千年矣其法水從工費而分修造培補皆計田不計人計畝不計畔至於灌溉之時下塌滿則閉下塌之口而上灌先閉者罰旁注者禁鄉立條約官嚴勸懲是即周官遺意也地既不齊法亦有變浴河兩岸之為田者則取給於筒車其制較之桔槔力不勞而利更廣邑之上鄉所在有之其無筒車者則取之於塘蓋非蓄魚之池而專為灌溉之利者也今者汙萊盡闢陂塘歲有增置不能悉舉茲僅據舊志載入以俟謀水利者觀此而興起焉

上堡河堤在進城鄉郎中彭肇祚之妻何氏捐建

張望上堡河堤

碑記河自百丈蜿蜒蟠折而來至上富治城而始大治城之南為上堡道遠而邊河其西而甯州東而縣而楚北者悉遵之舍是則末由焉乾隆戊戌夏河漲壞其濬圻而至於水者幾尋丈勿安於居遊者轉踵羣方患之而尙未有以處也是歲九月三日彭氏之何夫人適丁七十先是諸子若孫請命於夫人將致賓客於堂以歌頌夫人之德奉

觴賞酒以爲大歡夫人笑却之再請再却之三而固請必償所願焉夫人乃前而告之曰毋凡人莫不欲得孝子賢孫汝曹孝敬老身豈有不快然自吾之爾家不逮事汝祖父母在汝父所女子日常訖未有過使我楚楚對賓客汝曹得志欲如吾德何其何壽之爲雖如是又慮汝曹之不塞也無已其爲我築上堡河堤成以告於是皆再拜起曰敢不往如命乃鳩爾工乃發爾廩審水勢相高卑規廣狹築上堡河堤迄成其高可二仞廣如之長百五十丈有奇其費以工計之三千人有奇以錢數之三百萬有奇隄成又覆石如砥以便行履是役也何夫人之爲之也於是皆再拜進曰上堡河隄成兒子輩謹告他日夫人駕而往迤里而望之噉然泣怡然歡曰岸哉隄乎安於居坦於遊乎終勿毀乎汝曹來汝祖若父世能勤人其他勿詳若治城石塔永濟橋之屬猶可想見當年此直汝家事今日之舉頗爲緒餘吾爲汝家婦慣見前事故爲汝言之奉先所以云孝也老身無德汝曹孝敬凡以壽其親者其視諸此矣於是皆再拜受命以退癸卯冬予客嚴子廷典夫人之子湖延至小樓遲得聞河堤事故爲書此